

上清金真玉光八景飛經

既四

上清金真玉光八景飛經

既四

金真玉光太上隱書 上相青童君撰

九天丈人受太空靈都金真玉光於元始天王名之八景飛經廣生太真名之八素上經青真小童名之豁落七元太上大道君名曰

隱書玉訣金車同出於九玄之先目其七六篇而四時名焉其道高妙衆經之尊總統萬真巨御羣仙玄符流映洞明紫晨秘於九天之上大有之宮金輝紫殿玉寶瓊房鑄金爲簡以撰靈文刻玉丹書以明其篇流光奕奕輝煥

大空日月映照五晨翼靈命金華之女玉晨
之童各三千人侍衛玉文王妃典香靈風揚
煙巨龍毒獸備守玉闕瓊鳳撫翼神鸞蔭玄
衆真宴禮萬聖朝軒玉陛騁蓋於霄庭太帝
屈節於几前玉皇改度以推運璇璣命斗以

迴神唱神州以齊景變七轉以儻天歷三五
於神化散執度於九玄策五行以招魂御豁
落以威靈命八景以登空攝天魔於金真披
隱書於寂室詠妙章於无間理萬帝於上上
總羣下於生生是時建炁之始九天丈人坐

命靈都攜契玉仙五老上真三十九帝上皇
先生萬始道君高聖太神太上大道君扶桑
大帝暘谷神王南極上元紫素三元君西龜
玉母太素三元君上登上上上紫瓊宮玉寶臺
七映朱房施檄五帝四方司官靈都神兵輔

衛上元命上仙太和王女施金真招靈攝魔
之符置於五方太極四真人誦太空之章妙
唱朗徹八景齊真玉光煥霄豁落洞明三晨
停暉八風迴旌玄鼓雲蓋九炁映靈三五翼
讚六六合并翦藹玄玄之上煥赫鬱乎太冥

飛香繞日流電激精華光交灑神燭合明流
緬千劫得妙忘旋於是九天丈人即臨玄臺
之上命左仙侍郎李羽非監靈使者鄧元生
執九色之麾瓊文帝章告盟四明啓付衆真
太上大道君八景飛經金真玉光豁落七元

既四

位登至上洞遊玉清金仙輔翼五帝衛靈啓
命事悉雲輪騁蓋飛虬整駕龍超霄際倏頃
之間億仙立會瓊輪碧輦流精翦藹衆次雲
歌鳳鳴鸞鳴邁交煙宇集徘徊玄太蕭蕭非太
霞之上放浪於无涯之外各返玉虛之館崑若

靈風之運炁太上大道君還登陵層之炁至九
曲之房引後聖九玄金闕帝君上相青心對
齋三月依盟啓受於二君使各封一通以金
闕上官方諸青宮至大劫之周三道虧血二
炁離合理物有期承唐之世陽九放災前羽除
兇勃搜採上賢至此之年若有修行大洞之
真經精雌一之幽關施八道以招无研金
華於三元誦素靈於寂室策五行以招魂佩
金神之虎文移七星於天關掌玄名於帝圖
建青錄於上清胞玉秀以結絡含瓊胎以內

靈絕世好以長息獨守默於自然可得玄授
於八景告妙訣於金真施招靈於曲宇且豁
落以御神拔七祖於幽宮免五苦於刀山離
八難於火鄉滅負石於宿根有得此文起騰
九玄縱跡飛影洞觀三清自無其人累劫勿

既四

三

傳金真玉光八景飛經乃生九天之上八景
之先玄光流暎若无若存懸精掩藹洞唯瓊
宮積七千餘劫其文甚明仰著空玄之十一太
虛之中覽亦不測毀亦不止煥赫洞耀照
十天於是九天丈人以建始元年歲在辛未維

天甲吉辰清齋太空七寶瓊臺以金青明血天
請受靈篇招靈攝魔豁落七元玄章既刊亦
无師宗不知從何忽然而生案文施行八景
見形光燭瓊室招致萬真於時啓命帝山王羣
僊莫不詣庭施俯仰之禮朝宴玉經也此乃
九天之帝信玉皇之威章左輔執節仙都右
置侍仙玉郎五方靈官十億萬人典衛宮寶文
營輔佩者之身依太極四明萬劫一傳祕於
九天之上大有之宮金暉紫殿玉寶瓊之泐施
飛羅自然之帳玉几金牀玉晨之童執之侍

左金華之女散煙於右太妃侍前玉仙輔後
玄雲紫蓋陰乎堂宇諸真仙上聖一月三登
行禮如是寶訣法告三五改運大劫交周七
百年中當行世間若有玄名帝簡玉宇紫清
金藏玉骨合真之人聽得盟傳輕世帝言

祖父母及死之身被考三官充刀山地獄三
徒之中萬劫不原奉者詳慎元始天王啓之
於空玄之上以傳九天丈人太真太上大道
君青真小童五老上真三十九帝上皇先生
萬始道君南極上元紫素三元君西龜王母

太素三元君太真夫人上皇先生以傳紫清
帝君萬始道君以傳黃石先生三天玉童太
上大道君以傳東海小童紫微夫人後聖王九
玄金闕帝君帝君以付上相青童君太極四
真人西城王君如是寶訣皆上真口口相傳

四

四

上相帝君科校譔集施行祝說法度先以相
次集為寶卷今封一通於王屋山石室之中
若有勤尚高志棄放世榮登陟靈山精修苦
念名掌青宮當得此文帝君當遣真人玄授
飛身飛得此文五帝衛房招靈攝魔制精御

神修道誦經上應九天無復試敗之凶禁法
施用真人下降與兆共言不過七年乘空而
行九年精感白日登晨上上之道不傳非真
凡有得金真玉光八景飛經者身皆玄炁應
會宿命當仙每以別室燒香朝夕禮拜心存
神真玉光紫炁滿於齋堂之中躬禮崇奉如
眼對神帝遣金華之女玉晨之童各二十四
人侍衛兆身嘗功罰過分別善惡也又有左
右水火二官糾察漏泄違科犯禁罰以風刀
之考愆連七祖生死之科明慎修行

凡修學上道入山登齋誦詠靈章而无此文
施安招靈攝魔之符豁落七元上法不得妄
動於玉篇真不爲降天魔犯身故此文爲九
天之信玉皇之章无信而行因致道真不得
輕以短見誦詠求仙積勞无感反收禍殃三

既四

五

官執考滅兆之身兆欲修道當備衆聖令部
數充足上下相成俯仰之格施行合度齋誦
萬遍得真人降房剋日成仙不必萬遍正在
精研有佩招靈攝魔豁落七元之符皆太一
定生司命改年主錄校籍注上太玄普告四

司五帝靈官五嶽九河神仙萬靈皆稽首奉
迎營衛非身此上帝真皇章信故得制神使
靈也凡行此道不得至冒淹入穢履生死之
汚犯此之禁真靈高逝反正上宮施名不制
反誤兆身子得其法慎此爲先立春之日三
素元君上詣天皇太帝遊宴之時元景行道
受仙之日也非修金真玉光八景飛經之法
當以其日沐浴齋戒清朝入室燒香行禮施
安招靈致真攝魔之符置於五方兆於中央
東北向叩齒十二通仰思紫綠白三色之雲

東北而迴便心合微言三素元君乞迴神駕
下降我身右別我名賜我神仙畢還思東北
清微上府始陽宮中元景司空司錄道君姓
葛諱其闕太呪獻形長七寸八分身著玄黃
之綬頭冠七色耀天玉冠足躡五色之履手

執威神之策乘八景之輿飛龜玄雲之車驟
駕青龍從太和仙童二十三人下治此身泥
九宮中乃微祝曰

元景大神玄道迴精上節告始萬炁混生九
微上化迴降我形保固元吉監總帝靈招真

制魔我道威明上致太和玉芝充盈通神徹
視洞觀三清得乘飛景俱昇帝庭畢仰咽八
炁此元景之道行之八年則三素之雲八輿
飛輪迎兆之身上昇帝晨所謂八道元景招
靈祕言不傳非仙之人春分之日太微天帝

既四

六

君上詣高上玉皇遊宴之時始景行道受仙
之日也至其日如上法夜半東向叩齒九通
仰思玄青黃三色之雲東北而迴便心念微
言太微天帝君乞迴神駕下降我身上我帝
簡賜我神仙畢還思東方青陽上府玄微宮

中始景老子大道君姓羽諱齋齋幽宛形

長九寸身著紫青之綬頭戴九色通天寶冠
足躡九色之履手執命神之章從太陽仙童
三十六人乘八景之輿青雲之車驂駕蒼龍
下治兆身明堂宮中仍微祝曰

始景上元招靈致真承炁命節法典帝先迴
精玄蓋上宴玉晨迴靈下降鎮固我身保精
鍊炁五華結鮮紫炁流暎洞得御神驂乘飛
景上宴瓊軒畢仰咽九炁此始景之道行之
八年則玄雲飛輪來迎兆身上昇太清八道

始景祕言勿傳非仙之人

立真之日太極上真三元真人上詣紫微宮

遊宴之時玄景行道受仙之日也至其日如

上法清旦東南向叩齒九通仰思青紫黃三

色之雲西北迴便心念微言太極上真三元

既四

七

真人乞迴神駕下降我房書我玉名使我神

仙畢還思東南少陽上府太微宮中玄景工

光无極道君姓王諱白无英形長八寸

八分身着丹錦之綬頭戴无極進賢玉冠足

躡九色之履手執招靈之章乘玄景綠輿五

色雲車駮駕鳳凰從靈飛仙童三十九人下
台北身洞房宮中仍微祝曰

玄景上靈駮宴八炁造景九玄翱翔無外迴
真下降解我宿滯陰以飛雲覆以紫蓋得乘
八景上昇霄際畢仰咽八炁止此玄景之道
行之八年則紫青黃三色之雲玄景綠輿來
迎兆身上昇太清玄景八道祕言勿傳非仙
之人

夏至之日扶桑公太帝君上詣太微宮遊宴
之時也虛景行道受仙之日至其日如上法

清旦南向叩齒八通仰思赤白青三色之雲
東南而迴便心念微言扶桑大帝君乞迴神
光下盼兆身記名東華得乘飛煙畢還南向
思太陽上府紫微宮中虛景太尉元先道君
姓玄諱聖齋伯史形長八寸八分身着絳
錦丹綬頭戴平天曜精玉冠足躡九色之履
手執制魔之章乘光明八道之輿赤雲之車
駮駕鳳凰從丹臺上宮玉童三十六人下治
兆身中元丹田宮中仍微祝曰
虛景啓靈乘炁旋迴迅駕八道光明吐威下

降我房暎我丹輝攝魔御神萬靈悉推使我
洞幽與景齊飛畢仰咽八炁止此虛景之道
行之八年則致光明八道之輿來迎兆身上
昇太清虛景八道秘言勿傳非仙之人也

立秋之日太素上真白帝君上詣玉天玄皇

既四

高真也元景行道受仙之日至其日如上法
清旦西南向叩齒十二通仰思白赤紫三色
之雲正西而迴便心念微言太素真人乞迴
神光下降兆身奏名玉天得爲真人畢思西
南少陰上府靈微陽宮之中元景太一淡天

道君姓黃諱雨靈運珠形長七寸八分着
玄黃素綬頭帶七寶進賢之冠足躡九色之
履手執命神之策乘脩條玉輦五彩朱蓋紫
雲之車驂駕六龍從黃素上宮仙童二十四
人治兆身下丹田宮中仍微祝曰

元景上真八道玄靈上治黃母下治兆形徘徊神輦流映紫清歷運御氣三炁煥明制神攝廢我道洞精長保上景飛仙長生畢仰咽七炁止此元景之道行之八年則致脩條玉輦亦迎兆身上昇太清元景八道秘言勿傳


非仙之人

秋分之日南極上真赤帝君上詣闕風臺詣
九靈夫人遊宴之時也明景行道受仙之日
至其日如上法清旦西向叩齒十二通仰思
青黃赤三色之雲西南而迴便心念微言南
極上具上皇赤帝君乞迴神光下盼兆房賜
書玉簡上奏九靈得乘飛景昇入无形畢思
正西太陰上府精微允宮中明景太和道君
姓浩諱韻二儀形長六寸八分身着白
文素靈之綬頭戴无極貫天之冠足躡九色

之履手執度命保生玉章乘絳琳碧輦白雲
之車驂駕白虎從素靈上宮玉童二十二
人下治兆身華蓋宮中仍微祝曰

明景道宗總統九天弘絡紫霄迅御八煙迴
停玉輦下降我身啓以光明授以金真豁落
招靈身无稽延得乘飛景上晏霄晨畢仰咽
七炁止此明景之道行之八年則致絳琳碧
輦來迎兆身上昇太清明景八道秘言勿傳
非仙之人

立冬之日上清真人帝君皇祖上詣高上九

天玉帝遊宴之時也洞景行道受仙之日也
至其日如上法清旦西北向叩齒九通仰思
綠青紫三色之雲西南迴便心念微言上清
真人帝君皇祖乞迴神駕下降北房賜書玉
名上奏上清得乘飛景昇入无形異思西北
陰暉上府清微中宮洞景司錄大陽道君姓
玄諱元輔形長五寸八分身着玄黃
之綬頭戴九玄飛晨玉冠足躡五色之履手
執攝殺之律乘玄景八光丹輦紫雲之車驂
駕玄武從太玄仙童二十四人下治北身倉

命宮中仍微祝曰

洞景帝尊玄靈陰神乘霞御龍駮駕飛煙上
遊玉清下治太玄迴降紫輦來入我身得乘
八景位同真人畢仰咽五炁止此洞景之道
行之八年則致玄景八光丹輦下迎兆身上

既四

昇太清洞景八道秘言勿傳非仙之人

十

冬至之日太霄玉妃太虛上真人上詣太皇
宮太微天帝君遊宴之時清景行道受仙之
日也至其日如上法清旦正北向叩齒十二
通仰思朱碧黃三色之雲東北而迴便心念

微言太霄玉紀太虛真人乞迴神駕下降我
房賜書玉名奏上太霄得爲真人遊宴上宮
畢思北方陰精上府道微宮中諫議玄和道
君姓玉諱聖廟陰精形長五寸八分身着
玄雲五色之綬頭戴玄晨寶冠足躡五色獅
子之履手執招靈之策乘徘徊玉輦錦雲之
炁珠玉之車駟駕玄鳳黑翮從太玄上宮仙
童三十六人下治兆身玄谷宮中仍微祝曰
清景素真元始同靈受化九元含炁朱嬰徘
徊玉輦逍遙紫清輪轉八節緯度天經削我

死錄保命南生得乘飛景按轡綠駟畢仰咽
五炁止此清景之道行之八年致徘徊玉輦
下迎兆身上昇太清清景八道祕言勿傳非
仙之人

行八景飛經八道祕訣上皇玉帝告命諸天

既四

十一

十方衆聖五嶽靈仙悉來護兆身降致玄輿
飛輦得與真人同昇上清真皇守兆之命太
一防兆之身出入遊行无有凶橫之患若无
仙名玉籍列圖紫宮幽冥亦不可以此經啓
悟兆心兆得此經即東華注簿位同真人唯

寶唯必不可輕宣安泄祕言死滅北門

夫修金真玉光八景飛經案置招靈致真攝
魔之符皆當先北向香爐叩左齒三十六通
詠金真太空之章一遍然後行事也詠此一
句上響九天中徹无間外朗洞元玉帝駭聽
羣魔束身此章至妙故爲金真其篇曰


天魔乘空發萬精駭神庭託化謠歌章隨變
入无名器氣何紛紛穢道當塗生雲中合朱
宮北帝踊神兵鼓翔自知道玄運來相征上
景按飛轡飛駕檢雲營促校北帝錄收攝羣

魔名豁落張天羅放威擲流鈴金真輔空洞
玉光煥八冥金玄守上宮神虎戮天精前弱滅
萬袂氣億億悉齊平上承九天信嘯命靡不
傾招真究三洞慧誦朗且清八道望玄雷段七
轉緯天經混合帝一真拔度七祖程削減五

苦根反魂更受榮金光耀寂室神燭自然生
華香散玉宇煙氣徹玉京帝遣徘徊輦三元
降綠輶迅駕騰九玄朝禮玉皇庭畢便修所
行如此一遍天兵輔真玉帝攝魔修行上徹
招致真靈學无此章仙道不成天魔所敗反

誤兆身故撰為篇審而奉行招靈致真攝魔

之符一名九天信



既四

十二

青帝招靈致真攝魔之符以墨書青木簡上
令廣九寸長一尺二寸置室東面修行誦經
入室百日與神人共言三年室生自然青霞
之雲欲致真人天仙當書如法著符北面精
思百日真人降形諸仙詣房授子神真之道

兆欲攝魔書符如法安著中央誦太空之章
一遍則北帝操兵天魔喪形萬精滅景內外
肅清又墨書青繒九寸佩身八年帝降八舉
之輪下迎兆身白日上昇九天之祕信兆當
寶密修行其道道无不降仙无不成泄露宣
傳妄與非真道則速也禍滅兆身



赤帝招靈致真攝魔之符以青書赤木簡上


令廣九寸長一尺二寸置室南面修行誦經
入室百日與神人共言三年室生自然赤霞
之雲欲致真人天仙當書如法著符東面精
思百日真人降形仙人詣房授子神真之道
兆欲攝魔書符如上法安著西方誦太空之

既四

十三

章一遍則北帝操兵天魔喪形萬精滅景內
外肅清又青書絳繒九寸佩身八年帝降八
景之輿下迎兆身上昇太清九天秘信兆當
寶密修行其道道无不降仙无不成泄語三
人傳付非真道則遠也禍滅兆身

白帝招靈致真攝魔之符以黃書白木簡上
令廣九寸長一尺二寸置室西南修行誦經



入室百日與神人共言三年室生自然白霞
之雲欲致真人天仙當書如上法著符中央
精思百日真人降形仙人詣房授子神真之
道兆欲攝魔當書符如法安著東面誦太空
之道章一遍則北帝操兵天魔喪形萬精滅

景內外肅清又黃書白繒九寸佩身八年帝
降玄景綠輿下迎兆身上昇
太清九天祕信兆當寶密修行其道道无不
降仙无不成泄語三人傳付非真道則遠也
禍滅兆身



黑帝招靈致真攝魔之符以白書黑木簡上


令廣九寸長一尺二寸置室北面修行誦經
入室百日與神人共言三年室生自然黑霞
之雲欲致真人天仙當書如上法著符西方
精思百日真人降形仙人詣房授子神真之
道兆欲攝魔書符如法安著南面誦太空之

既四

十四

章一遍則北帝操兵天魔喪形萬精滅景內
外肅清又白書黑繒九寸佩身八年帝遣光
明八道之輿下迎兆身上昇太清九天秘信
兆當寶密修行其道道无不降仙无不成泄
語三人傳付非真道則遠也禍滅兆身

黃帝招靈致真攝魔之符以朱書黃木簡上
令廣九寸長一尺二寸置室中央修行誦經
入室百日與神人共言三年室生自然黃霞
之雲欲致真人天仙當書如上法著符南面
精思百日真人降形仙人詣房授子神真之
道兆欲攝魔當書如法以著北面誦太空之



章一遍則北帝操兵天魔喪形萬精滅景內
外肅清又朱書黃縉九寸佩身八年帝遣徘徊之輦下迎兆身上昇太清宮九天祕信兆
當密寶修行其道道无不降仙无不成泄語
三人傳付非真道則遠也禍滅兆身書符都

既四

十五

畢北向叩齒三十六通微祝曰


九天有命普告萬靈三代相推五炁交并玉
帝顯駕控轡霄庭施布正法收魔束精剪戮
凶祲萬道齊平道流後學帝君記名招真洞
幽炁交无形變景鍊骨道昇三清得迅飛輿

上造玉庭畢隨位置符真仙立降身无禍殃
學无此道鮮不喪身可謂妙法不學自仙也
帝君豁落七元上符一名帝皇威章

此符係太上元始天尊所傳
其法甚秘也凡欲求仙
者宜每日誦此符百遍
自然感應無窮矣

右一元豁落日精之符兆欲修行誦經求仙
當以雌黃書生碧上佩身兆欲上致真人朱
書白紙東向服之精思百日真人降房與兆


共言此欲制魔當以青書黃木九寸板
上著月建上天魔自消萬精束形帝皇
之章慎勿洩揚秘而奉修七年飛仙



右二元豁落月精之符此欲修行誦經求仙
當以空青書絳繒佩身此欲通靈致神黃書
白紙西向服之精思百日神人降形與此共

言兆欲制魔攝精當以黑書赤木九寸板上
施著東北之上百日北帝捕魔天元攝精萬
祆絕滅內外蕩清帝皇之章祕而修行七年
飛仙白日昇天

既



十六

右三元豁落歲星精符兆欲行道求仙當以
朱書生碧佩身兆欲致東嶽真人仙官當以

黑書青紙東向服之精思百日仙官立到真人詣房賜此神仙之藥也此欲制青帝之魔當以白書青木九寸板上著東面百日天魔東形萬精自喪帝皇之章秘而修行七年飛仙白日昇天



右四元豁落太白星精符此欲行道求仙當

以雌黃書白素佩身兆欲致西嶽真人仙官
當以黃書白紙西向服之精思百日仙官立
到真人詣房賜兆真書與兆共言兆欲制白
帝之魔當以朱書白木九寸板上向西面百
日天魔束形萬精自喪帝皇之章行之七年


既四

十七

神仙度世白日昇天

皇皇皇皇皇皇皇皇
皇皇皇皇皇皇皇皇

右五元豁落熒惑星精符兆欲行道求仙當以雌黃書生紫佩身兆欲致南嶽真人仙官當以青書赤紙南向服之精思百日仙官立到真人詣房賜兆神芝寶文與兆共言兆欲制赤帝之魔當以黑書赤木九寸板上向南面百日天魔束形萬精自喪帝皇之章行之七年神仙度世白日昇天



右六元豁落辰星精符兆欲行道求仙當以黑書黃素佩身兆欲致北嶽真人仙官當以白書黑紙向北服之精思百日仙官立致真人詣房賜兆神山之藥與兆共言兆欲制黑帝之魔當以黃書黑木九寸板上向北面百日天魔束形萬精自喪帝皇之章行之七年神仙飛行白日昇天



右七元豁落鎮星精符兆欲行道求仙當以朱書青碧佩身兆欲致中嶽真人仙官當以朱書黃紙向太歲上服之精思百日仙官立

既四

十八

到真人詣房授兆神仙之藥五老真書兆欲制黃帝之魔當以青書黃木九寸板上置於太歲之上百日天魔束形萬精自喪帝皇之章行之七年神仙飛行白日昇天
右高上玉帝元皇道君受九天丈人豁落七

元之符主致上真飛仙之官通靈徹視與神
交言制魔伏靈威攝十方流火萬里坐在立
亡行之九年得乘玄輿飛行上清

施行上道修行求仙攝魔御精書符如法北
向叩左齒三十六通存日月五星精光洞映

兆身微祝曰

七元煥落流威吐精擲光萬里神耀五靈上
攝北艷檢錄鬼名天帝命章前剪戮實生我備
豁落流金火鈴內保六府外引流精飛仙真
人與我齊并洞觀空洞三道合明得御玄雲

驂駕綠輶攜率五嶽運我昇清畢隨位施
用七年尅有真人來降授兆上真寶文也夫
有金骨玉名紫字上清得佩招靈致真攝魔
之符豁落七元之符則九天記名帝告萬真
四司靈官右別兆身出入行來登陟五嶽仙

既四

十九

官衛迎萬魔伏首羣凶喪精修行百日與
神通靈真人下降授兆真經也七年之中得
乘飛輶遊戲五嶽出入三清泄語三人傳不
得真七祖父母下及兆身並充刀山三徒之

中萬劫不原得者保祕慎負四明

凡上學之士道成飛昇而无此文亦九天玉
司不遺兆仙天關之門亦不可得前五嶽之
官亦不衛兆之身故九天之信帝皇之章施
於已成真人不行於世得者便仙其有左輔
執節仙都右置侍仙玉郎五方靈官典衛此
文不可輕慢泄露上真有犯其禁死滅兆身
上古之科萬劫一傳今有其人七百年中聽
得三傳依明科之法師弟子對齋九十日齋
金龍玉魚各一枚紫紋百尺上金三兩以奉
有經之師誓於九天之信无盟而傳身被風

刀之考受而无信輕道賤真身沒鬼官愆連
七玄故四極明科有三分之信師受不依科
文以營他用死沒三官長充地獄萬不得仙
趙伯玄昔師萬始先生受書道成當登金闕
而无招靈致真豁落七元二符於俯仰之格
方退還戎山七百年後詣清真小童依盟受
之誓於委羽之山今昇爲上清左司君
王君以經於陽洛山十一月上旬子時盟九
天以傳南嶽夫人今封於陽洛山中
南嶽松子以陽朔之年於太華山傳經於谷
希子今封一逋於鳥鼠山中
桐栢真人以六月二十九日以此文授許遠
遊

